



Universitätsbibliothek Paderborn

Instrvctio Magistri Novitiorvm

Juan <de Jesús María>

Coloniæ, 1613

Cap. 4. De prudentia erga Nouitios maiores natu.

[urn:nbn:de:hbz:466:1-48543](#)

discant . Iam verò exceptis monitis his , quæ de pueritia adolescentiaque præscripsimus , alijsue similibus,cætera , quæ ad ætatem illam instruendam pertinent, erunt cum cæteris communitia.

Cap. 4. De prudentia erga Nouitios
maiores natu.

1. **Q**uinatu maiores ad statum monasticum è sæculo ascendunt, accuratius examinandi sunt ; & seuerius exercendi . Assueuerunt enim sæculo, & amore bonorum temporalium alius conceperunt . Secum ferunt noxious vitiorum habitus , iudicij , ac voluntatis propriæ diuturnam consuetudinem , aliaque similia monasticae perfectionis impedimenta , quibus Nouitij iuniores carent . Quocirca novo prudentiæ genere hic opus est.

2 Curet ergo Magister adultos ætate intus , & in cute pernoscere; solent enim eiusmodi homines statum monasticum non tam spiritu Dei , quam rationibus politicis acti sic aggredi , vt vno saltem

anno simplicitatem simulent, posteaque
licenter ac dolosè agant . Qui émissa
professione audaciam sæculi resumen-
tes insigne damnum Religioni inferút,
pacemque de medio tollunt: Immo & in
ipso Nouitiatus anno clam Magistro a-
nimos simpliciorum auertunt, & ad la-
xè viuendum inducunt. Ipsorum ergo
relatu, elapsæ in sæculo vitæ historia ac-
cepta, quibus morbis laborauerint ex-
actè perpendat, ut remedij genus perso-
nis adaptet.

3 Agat cum illis seriò, & seorsim voca-
tos inducat ad viriliter pugnandum; vt
scilicet velint grauioribus experimentis
exerceri, ad vitia olim contracta radici-
tus extirpanda, & ad virtutes acquiren-
das.

4 In aliquot velut classes Nouitios di-
stribuet, vt interdum, pro ætatum dis-
crimine, illos seu publicè, seu priuatim
admoneat, pro temporum, rerumque ra-
tione. Maiores verò natu exhortabitur
ad celerius currēdum ex iuniorum cō-
paratione. Non enim æquum est, eos
qui multa peccarunt, nō maiora conari,
quam qui leuiter, breuique deliquerunt.

5 Pro-

5 Proponat illis Magister ardua, ut perspiciat, an seriò conari, & arduitatem superare decernant. Et benè animatis occasione proposita exequendi offerat.

6 Ne molestè ferat, si acerrimi temptationibus infestentur, qui contra diuturnas consuetudines armantur, & pugnāt: sed illos soletur, & roboret, donec victoria sui potiantur. Hi quippè si diuina gratia, & cultura boni educatoris adfint, perfectiores Religiosi euadere solent, quām qui insontes in claustra venere. Horrent enim malum, quod passi sunt, & eximios virtutum actus fortissimè dimicando producunt. Atque adeò in altiorem diuinæ gratiæ statum assurgere solent, quām qui nullos conscientiæ stimulos patientes (quales innoxij multi sunt) lètè agere consuescūt.

*Cap. 5. De prudentia erga viros graues
in Religionem ingressos.*

1 **M**agna certè prudentiæ iustorum pars est, nouam iustitiam in vasis fictilibus alere. Huic ergo studeat Magister, & non solū ætates, sed dignitates